

2023- йилда юртимизда аҳолини рўйхатга олиш тадбири Қачон, қандай шаклда ўтказилади.



Тайёргарлик босқичи аниқ ва сифатли якунига етказилгач, 2023 йилнинг ноябр ойида аҳолини рўйхатга олиш ишлари бошланади. Қарор билан белгиланган Шахсга доир маълумотларни йиғиш тартибига кўра, рўйхатга олиш ишлари икки хил усулда —қоғоз шакли ҳамда интернет тармоғи орқали амалга оширилади.

Биринчи усулда рўйхатга олувчи ходимлар уйма-уй юриб, сўров ўтказди ва саволлардан иборат варақани респондентларнинг сўзлари асосида тўлдиради. Бунда рўйхатга олиш ишлари беш хил шаклдаги сўровномалар—турар жойнинг хусусиятлари ва унда яшовчилар рўйхати, шахсга оид саволнома, Ўзбекистон

Республикасига вақтинча келган чет эл фуқаролари учун саволнома, аҳолининг айрим тоифаларига нисбатан шахсга доир маълумотларни йиғиш бўйича саволнома ҳамда вақтинча турган жойи бўйича Ўзбекистон Республикаси фуқаролари ва фуқаролиги бўлмаган шахслар учун назорат варақаси бериш асосида ўтказилади.

The infographic features a dark teal header with the text 'AHOLINI RO'YXATGA OLISH 2023' on the left and a large white circle containing the number '1' in the center. To the right of the circle, the word 'BOSQICH' is written in white. Below the header, on the left, the text '3 YILGACHA BO'LGAN MUDDATDA' is displayed in blue and white. On the right, a list of four tasks is shown with yellow arrow icons: 'AHOLINI RO'YXATGA OLISH TADBIRINI O'TKAZISHGA TAYYORGARLIK KO'RISH', 'NORMATIV XUJJATLAR', 'DASTURIY TA'MINOT', and 'TASHKILY ISHLARINI AMALGA OSHIRILADI'. An illustration of a meeting with three people and a checklist icon is also present.

AHOLINI RO'YXATGA OLISH 2023

1 BOSQICH

3 YILGACHA BO'LGAN MUDDATDA

- AHOLINI RO'YXATGA OLISH TADBIRINI O'TKAZISHGA TAYYORGARLIK KO'RISH
- NORMATIV XUJJATLAR
- DASTURIY TA'MINOT
- TASHKILY ISHLARINI AMALGA OSHIRILADI


Сўровномалар асосий демографик кўрсаткичлар, аҳолининг механик ҳаракати, миграцияси, миллий хусусиятлари, фуқаролиги, таълим даражаси, уй хўжалиги аъзоларининг иқтисодий ҳолати, болалар сонига оид саволлардан иборат бўлади. Яшаб турган хонадонда рўйхатдан ўтишни истамаган респондентлар учун рўйхатга олиш сўровномаларини тўлдириш уларнинг ўзлари яшаб турган маҳаллаларда ташкил этиладиган инструкторлик участкаларида амалга оширилади. Респондентлар томонидан тақдим этилган шахсга доир маълумотларнинг махфийлиги ва уларнинг мазмуни ошкор этилмаслиги рўйхатга олувчи томонидан кафолатланади.

Иккинчи усулда респондентларга қулайлик яратиш мақсадида интернет жаҳон ахборот тармоғи орқали рўйхатдан ўтиш имконияти яратилади. Бунда сўровномалар аҳолининг ўзи томонидан махсус дастур орқали тўлдирилиб, белгиланган электрон манзилга жўнатилади.

—Аҳолини рўйхатга олишнинг бирламчи маълумотлари ҳудудий статистика бошқармалари ҳузурида ташкил этиладиган марказларда махсус дастурий таъминот асосида 2024 йил 1 январдан 31 декабрга қадар операторлар

томонидан электрон базага киритилади, — деди Қобил Бердиқулов. —Рўйхатга олувчи ходимлар томонидан тайёрланган йиғма рўйхатлар натижалари асосида шаҳар ва қишлоқлар, шу жумладан, эркаклар ва аёллар бўйича аҳоли сони тўғрисидаги дастлабки маълумотлар эса 2024 йил 1 мартга қадар тайёрланади. Аҳолини рўйхатга олишнинг электрон маълумотлар базаси 2025 йил 1 декабргача таҳлил этилади ва якуний маълумотлар республика ҳамда ҳудудлар бўйича шакллантирилиб, расман эълон қилинади.

AHOLINI RO'YXATGA OLISHNI
O'TKAZISH BOSQICHLARI



BOSQICH

2 YILDAN 3 YILGACHA BO'LGAN DAVR

AHOLINI RO'YXATGA OLISH TADBIRINING BIRLAMCHI
MATERIALLARI MA'LUMOTLARI JAMLANADI, ELEKTRON
BAZAGA KIRITILADI, KOOLASHTIRISH, NAZORAT,
TAHRIR QILINADI NATIJALARI E'LON QILINADI

Мазкур вазифаларнинг бари тизимли тарзда амалга оширилгани ҳолда, рўйхатга олиш орқали республика аҳолиси ва унинг фаровонлиги тўғрисидаишончли маълумотлар тўпланади. Улар аҳоли сони, таркиби ва тақсимланиши бўйича тўлиқбазани шакллантириш билан бирга, Миллий ривожланиш стратегияларини ишлаб чиқиш, уларда фойдаланиладиган демографик ўзгаришлар тенденциялари, меҳнат ресурслари жойлашуви ҳамда илмий тадқиқотлар олиб боришда қўл келади.

Узун тумани ҳокимлиги

Ахборот хизмати